

贛縣志卷之十二

列女志

絮羹叱甘和丸助苦纏笄而朝中饋以輔桓耳  
豫刑盧目寧瞽掩户帶堅投檻衣腐碧玉香消  
彤管墨舞志列女第十

賢淑

唐

越國公鍾紹京夫人許氏公為苑總監時值帝氏之

贛縣志

卷十二

列女

一

亂臨淄王謀欲誅之與公業有成約矣及期臨淄  
乘夜攜劉幽求等入苑會公廨舍公悔欲不從命  
夫人曰忘身殉國神必助之且同謀素定今雖不  
行庸得免乎公悟即趨出拜謁臨淄乃帥丁匠二  
百餘人執斧鋸以從是夜遂成大事夫人之力也

宋

曾文清公夫人李氏閨儀甚肅家教尤端生子逢逮  
貴而且賢陳止齋先生傳良嘗曰余不及見文清



公歿獲從六卿原伯侍郎仲躬游甚久憶在都下  
時文清夫人尚亾恙當壽余與高炳如博士脩拜  
母之敬見諸婦各年六七十盛服夾侍夫人出對  
客已而原伯帥婦及諸孫羅拜奉觴且遍飲客乃  
罷故家孝敬之風可觀也原伯逢字仲躬逮字諸  
孫槩登進士臬爲總卿槩爲工部世慶縣衍蓋有  
自云

明

贛縣志

卷十二

列女

二

謝桓慤公詔夫人蔡氏德性貞靜尤識經史相桓慤  
公力學成名太封翁在堂奉事惟謹公同懷弟三  
人試訪讚俱同爨歲延塾師悉夫人經營弟婦陳  
氏馬氏桂氏尊敬如姑生男胤申性聰慧自句讀  
及成文夫人悉爲課督年四十五卒桓慤公感其  
賢淑遂鰥居四十二年不更娶累封宜人萬曆丁  
酉晉封儀媛夫人

別駕郭公咸和元配宜人陳氏于歸時家貧翁姑伯

叔同爨數十人悉仰給於公而宜人乃脫簪珥市  
杭稻爲家計公得携諸弟就外傳凡膏火筆研費  
悉晝夜率妯娌織紝以供無缺也已而公登鄉薦  
遂仕海豐僅舉一男子屢勸公納媵公念向微時  
藉仰事力居多不忍更置會公內兄入京謁選宜  
人私予金託舅氏爲擇娶次室舅果不負託強公  
納焉亦舉一子宜人撫之如一公歸田十餘年宜  
人猶親織紝公曰胡自勞苦迺爾曰誦讀男子事

織紝婦人事不事所事忽忽若有所失且無以安  
身吾固自適耳非有所勉而爲之故不見勞而見  
逸也公呼二子曰汝輩敬識之勿謾載家譜

論曰余歷覽各郡邑志每以列女附載鄉賢卽所  
載亦僅一二節烈事重之乎忽之也嗟乎婦道  
女德必待節烈而始傳則所謂舉案裂紝繕寫  
談義者其又何以稱焉觀夫詩首關雎夫亦知  
聖人所重之意謂王化所自出也余故特標一

目首載四夫人悉女中君子矣嗚呼地道臣道  
無成有終蓋可忽乎哉

節操

元

廖氏 蕭氏 歐陽氏舊所稱劉門三節也廖伯祥

妻蕭澄甫妻歐陽德閨妻三世相繼癸居而歐陽  
與蕭婦姑相依四十九年當至正壬辰戊戌兵亂  
井里爲墟獨能保全家室撫遺孤玉輝成立且以

贛縣志

卷十二

列女

四

孝聞尤人所難分省叅政全普安撒里守郡上其  
事未達至洪武末年邑令王彥明具聞於朝始被  
旌表浦江宋濂有文述其事

明

劉氏朱崇文妻年二十八寡而家貧攻苦織紵撫遺  
孤顯迨長延師督教永樂癸未顯舉于鄉丙戌奏  
聞旌表

黃氏縣庠生張四維妻年二十三而四維卒遺二子

其一尚在襁褓笑笑子處撫遺孤恩斯勤斯迄于有成仲子補邑弟子員黃以貞操懿德稱於鄉黨卒年八十屢被旌獎

桂氏蔡兆文妻夫亾時年二十八既無翁姑之倚又鮮妯娌之助蕭然環堵隻影自憐二孤長成督訓之俱爲諸生艱苦備嘗白首無悔已經上司旌獎廖氏長洛人鍾賢沐母年二十夫歿沐甫三歲撫沐成人娶袁氏生子良槐二歲沐歿袁一寡廖與袁

韋縣志

卷十二

列女

五

姑媳共撫良槐槐生五子次子甫煜補弟子員廖卒年八十二袁卒年七十一廖撫三代孀居六十二年袁撫二代孀居五十年屢經旌獎

許氏劉文彩妻孀居撫子人無間言巡按葉成章給扁旌之曰貞堅金石著其門曰兩間正氣綱常重三殿恩光日月高子尚德卽聞烈風迅雷必跪伏親墳者見孝爻中

贈監察御史劉齋妻譚氏年二十三而發携二孤金

夜操作備極劬勞且貞而能教二子就外傳日程督之長子思誨成進士母膺封典而縞素疏糲猶不怠居約時閨帷雖肅壽躋八十泰昌改元奏聞旌表 覃恩加贈孺人

孫氏舉人謝慤妻佐夫成名年二十八而夫早世二孤方在髻鬢家計更屬蕭條孫經年拮据以奉姑菽水而給子館穀愁容苦貌垂老猶然茹蘗餐冰人稱節愍屢被旌獎

贛縣志

卷十三

列女

六

蕭氏斯邦穀妻少寡而二子俱在穉年家無厚產寒燈夜績以備晨爨比二子稍長卽教之學仲子言貫登萬曆癸酉鄉榜爲邑令蕭享祿養以壽終庶幾不負苦節云屢被旌獎

史氏劉應選妻生子顯庠方就傅而選歿史拮据紡紉歲延師課庠庠亦曲體母心攻苦力學值城困急母語曰汝宜善匿全生他日成名及嗣續余暇日矣後庠蜚聲府學孫祚邠禧邠俱入庠

論曰從一以終婦道也歿有幸不幸焉當其相夫  
子顯榮偕老子若孫彬彬上觴可不謂隆欤及  
觀世所稱未亾人者呱呱在抱如失所天其憂  
痛悲泣可勝道哉歿家處素封隱忍以撫孤成  
立抑亦幸矣乃不幸無擔石之儲勤紆績茹荼  
課督卒致遺孤名成倘所謂可託而不可奪是  
耶非耶

節烈

贛縣志

卷十二

列女

七

明

大理寺劉思誨元配黃氏兩封孺人隨男曰佺避亂  
於雩之需巖值顛急語佺曰吾家世受國恩當亟  
返城居無何度不可解遂盥櫛具命冠服就寢室  
再拜自縊媳曾氏孝廉曰价妻宋氏庠生曰伶妻  
俱依姑自縊

蕭氏聶士烺妻被執不從支解之

朱氏李元棟妻携女同赴井

劉氏郭多頑妻抱乳兒赴水死旬日餘顏色如生

劉氏庠生葉中桂妻年十九抱幼女月姑同繼姑陳氏盡赴蓮花塘

應氏貢士劉之鳳妻被執堅不受污以弦縊

桂氏諱懿芳桓愨詔胞弟謝讚妻于歸時封翁時濂及太夫人趙氏年已髦鬢桂曲盡婦道族闈仰爲儀範及姑歿桂事長嫂蔡夫人如姑年七十四因夫殉難桂氏自縊家壽

頓縣志

卷十二

列女

八

月氏名淑貞邑廩生謝胤繡妻城潰不屈及其左手墮自盡

蔣氏名德娘封紫章妻口罵不屈死

羅氏庠生謝明登妻桓愨詔從侄也圍城以菜羹活命久之羅曰吾與君名門子女何可偷生遂對縊論曰古賢者多重其死而智者又好言通權爲其身有未盡所用也彼輕於鴻毛者直等諸婢妾窮急其計畫無復之耳若古所稱相然信以殉



又往往出自鬚眉丈夫其理明義熟合志同方  
誠知所重者抑有甚焉乃至以婦人女子聯袖  
逐隊趨井塘如飴豈其計畫無復之哉卒不自  
重其死卽謂理明義熟又何多讓焉

貞女

尹氏名清玉尹德宗女許聘蕭貞生生性至孝事母  
劉氏坐臥不忍或離母病篤生嘗藥割股竟不起  
生因號泣不食死尹女未于歸訃聞遂蓬首垢面

贛縣志

卷十二

列女

九

含泣弗食父母百計慰之彊啜粥竟寢疾月餘泣  
告二人曰今而後得從蕭郎於地下亦瞑目矣第  
生育大恩無由報耳言訖含笑而逝

李氏德秀幼讀書能詩年十五被獲置舟中獲者誠  
舟人守視復登岸搜掠李女因泣告舟人索筆硯  
寫書寄取贖且許以厚贖然度不可解因書畢封  
固交舟人遂跳入江心後父母得書尾吟云寄語  
雙親休眷戀入江猶是女兒身

論曰士未緇牛通直處子耳故古稱慷慨而赴從  
容以就者俱無責焉易曰女子貞不字蓋言士  
也觀夫祈字方諾遂矢志終身至有一面未識  
聞訃輒鬱鬱以殉雖往古烈士何以加哉

賢母

朱氏郭多喜母喜父歿時甫三歲弟多嘉在襁褓朱  
備嘗艱苦燃松紡績課兒入邑庠

張氏姚振龍母龍父良琦庠生張年十八夫喪痛苦

贛縣志

卷十二

列女

十

欲自縊姑慰以有子二俱在襁褓屢救甦張勉就  
飲食不事梳飾專女工二子自塾歸卽切責背誦  
不輟

曾氏郭恭範母年十九範生五歲而父歿弟策俱襁  
褓氏矢志撫孤歷兵寇絡繹悉幾先遷徙必手持  
兒所讀書隨所避處輒令兒展讀久則就塾或曰  
避亂得全生足矣胡迂濶乃爾氏曰連年離亂不  
得安家樂業兒輩虛度光陰卽能苟全性命又何

用哉因課督俱成立範入邑庠

陳氏蕭文正母文父邑庠蕭亨生家貧力學生二子俱襁褓而亨生歿氏矢志撫育晝夜績紡課兒

王氏邑庠生劉亮母亮父歿時甫七歲二弟俱在襁褓母拮据勤勞備嘗艱苦織紵易粟延師課兒嘗自啜菽羹而已撫孤俱成立聚三兒婦生孫屢奉憲旌權使者吳本立爲立傳

謝氏贛衛千總錢國禎母禎父歿時年十二氏矢志

贛縣志

卷十二

列女

十一

撫孤家徒壁立嘗紡績至午夜資以延師課兒屢與童子試弗售襲父職微祿奉養以孝聞母以壽

終

論曰昔劉宜興母嘗曰男子以孔父爲師女子獨  
無師乎於是家建一內祠上立孔聖母徵在左  
左右立曾孟二程二蘇四母配饗以景伯陸績  
种放尹焯杜華羊祜張浚陶侃鄭善果李景讓  
十母爲十哲以姜叔王經等三十六母居左庶  
以常逞虞集三十六母居右庶嗚呼賢母又可  
忽乎哉雖歿稱妻從夫也稱母夫歿從子也從  
子則節操節烈又何以妻稱乎曰年旣合於令  
甲事旣同乎身殉矣茲獨以其子之幼孤能善  
承母訓也故另著之

